

05-03/1706/22 1/2

Bosna i Hercegovina  
FEDERACIJA BOSNE I HERCEGOVINE  
ZENIČKO - DOBOJSKI KANTON  
SKUPŠTINA  
Kolegij



Bosnia and Herzegovina  
FEDERATION OF BOSNIA AND HERZEGOVINA  
ZENICA - DOBOJ CANTON  
CANTON ASSEMBLY

Broj: 01-01-9681-3/22  
Zenica, 17.06.2022. godine

SKUPŠTINA ZENIČKO-DOBOJSKOG KANTONA			
Primljeno:	17.06.2022.		
Org. jed.	Broj	Prilog	Vrijednoet
01-	01-	9681-3	/22

**SKUPŠTINA ZENIČKO-DOBOJSKOG KANTONA**  
n/r predsjedavajućeg Skupštine

**PREDMET: Nacrt Odluke o izmjenama i dopunama Etičkog kodeksa poslanika**  
u Skupštini Zeničko-dobojskog kantona -*dostavlja se*

U prilogu vam dostavljamo **Nacrt Odluke o izmjenama i dopunama Etičkog kodeksa poslanika u Skupštini Zeničko-dobojskog kantona** koji je Kolegij Skupštine Zeničko-dobojskog kantona utvrdio na 47. sjednici održanoj 17.06.2022. godine i uputio u dalju skupštinsku proceduru.

S poštovanjem!

**Prilog: kao u tekstu**

**PREDSJEDAVAJUĆI**  
**Čazim Huskić**

**Dostavljeno:**

1x Naslovu

1x U predmet 47. sjednice Kolegija/05-03

1x U predmet 46. sjednice Skupštine/05-03

Na osnovu člana 37. tačka f) Ustava Zeničko-dobojskog kantona, Skupština Zeničko-dobojskog kantona, na \_\_. sjednici održanoj \_\_. \_\_. \_\_\_\_ . godine, donijela je

**O D L U K U**  
**o izmjenama i dopunama Etičkog kodeksa poslanika u Skupštini Zeničko-dobojskog kantona**

**Član 1.**  
**(Dopuna člana 2.)**

U Etičkom kodeksu poslanika Skupštine Zeničko-dobojskog kantona („Službene novine Zeničko-dobojskog kantona“, broj: 7/11), u članu 2. iza riječi „Kantonu,“ dodaju se riječi: „da jačaju povjerenje građana i javnosti u integritet Skupštine i izabranih zvaničnika,“.

**Član 2.**  
**(Dopuna člana 3.)**

U članu 3. iza riječi: „Skupštini“ briše se tačka i dodaju riječi: „i podrazumijeva lica oba spola.“.

**Član 3.**  
**(Izmjena i dopuna člana 6.)**

(1) U članu 6. stav (1) dodaje se nova tačka b) koja glasi:

„b) nepristrasnosti/nediskriminacije“.

(2) Dosadašnje tačke b), c), d), e), f), g), h) i), postaju tačke c), d), e), f), g), h), i) i j).“.

**Član 4.**  
**(Novi član 7a.**  
**„Nepriistrasnost/Nediskriminacija“)**

Iza člana 7. dodaje se novi član 7a. koji glasi:

„Izabrani zvaničnik je dužan prilikom obavljanja svoje dužnosti i donošenja odluka u svom radu biti nepristrasan, bez ispoljavanja bilo kakvog oblika predrasuda, diskriminacije i favoritizma (u odnosu na rasu, vjeru, pol, nacionalnu pripadnost, starosnu dob, bračni status, seksualnu orijentaciju, socijalno-imovinski status i svaku drugu različitost), te posebno nepotizma i kronizma.“.

**Član 5.**  
**(Dopuna člana 8.)**

U članu 8. iza riječi „grupa pojedinaca“ dodaju se riječi „ili političkih stranaka.“

**Član 6.**  
**(Izmjena i dopuna člana 12.)**

U članu 12. iza riječi „financijska“ dodaju se riječi „i materijalna“ a iza riječi „njihovo“ dodaje se riječ „nezakonito.“

Iza stava (1) dodaje se novi stav (2) koji glasi:

„(2) Izabranom zvaničniku, kao i drugim licima povezanim na bilo koji način sa izabranim zvaničnikom, je zabranjeno da javne resurse, javna sredstva, kao i službene prostorije koriste za potrebe političkih stranaka, izborne kampanje i sl.“

**Član 7.**  
**(Dopuna člana 13.)**

U članu 13. iza riječi: „izraza“ dodaju se riječi: „i gestikulacije“.

**Član 8.**  
**(Izmjena i dopuna člana 15.)**

U članu 15. iza riječi „korupcija“ umjesto tačke stavlja se zarez i dodaju se riječi „kao i od zloupotrebe povjerene dužnosti u svrhu sticanja lične koristi i koristi bliskih srodnika i drugih povezanih lica sa izabranim zvaničnikom.“

**Član 9.**  
**(Izmjena i dopuna člana 16.)**

U članu 16. stav (3) u alineji 4 iza riječi: „član“ briše se zarez i dodaju riječi: „i aktivno učestvovati u njihovom radu,“.

U istoj alineji iza riječi „razloge“ briše se zarez i dodaju riječi: „najkasnije dva sata prije zakazanog početka sjednice,“.

Na kraju alineje 11. umjesto tačke stavlja se zarez i dodaju se nove alineje koje glase:

„ - tokom obavljanja povjerene dužnosti neće primiti ili zahtijevati bilo kakve finansijske ili druge koristi u vezi sa povjerenom dužnosti izabranog zvaničnika,

- tokom obavljanja povjerene dužnosti neće koristiti službena ovlaštenja i ugled izabranog zvaničnika za sticanje bilo koje vrste koristi,

- u svrhu donošenja odluka, odnosno kod glasanja-izjašnjavanja o istim, neće posebno zahtijevati ili primiti finansijsku ili drugu vrstu koristi, kao naknadu za donošenje takvih odluka odnosno takvog glasanja-izjašnjavanja, a koja poguduje interesima određenog lica, grupe ili organizacije,

- tokom obavljanja dužnosti izabranog zvaničnika, a i nakon prestanka mandata izabranog zvaničnika ne smije koristiti povlaštene informacije odnosno informacije do kojih je došao u svojstvu izabranog zvaničnika tokom obavljanja svoje dužnosti, a radi sticanja finansijske ili neke druge koristi za sebe ili druga lica,

- dužan je izbjegavati stvarni i potencijalni sukob interesa, kao i izuzeti se iz svih postupaka u kojima učestvuje u okviru obavljanja dužnosti izabranog zvaničnika, kao i postupaka odlučivanja odnosno izjašnjavanja u slučajevima postojanja sukoba interesa, koji su

direktno i usko povezani sa njegovim privatnim interesom, a u slučaju dileme da li se u određenom konkretnom slučaju radi o sukobu interesa, zatražiti savjet od Komisije za ravnopravnost spolova, ljudska prava i građanske slobode Skupštine, te mišljenje od drugih nadležnih organa i tijela,

- prilikom obavljanja povjerene dužnosti dužan je pridržavati se propisa u vezi sa zabranom istovremenog obavljanja nespojivih funkcija, prevashodno odredbama propisanim u članu 1.8. Izbornog zakona Bosne i Hercegovine,

- tokom obavljanja povjerene dužnosti dužan je spriječiti korištenje službenih prostorija Kantona za potrebe političkih stranaka, vođenja izborne kampanje i slično,

- dužan je odbiti primanje poklona u vezi sa obavljanjem povjerene dužnosti izabranog zvaničnika uključujući i primanje poklona od strane drugih lica u ime i korist izabranog zvaničnika, uz izuzetak protokolarnih poklona i poklona manje vrijednosti u skladu sa relevantnim propisima.“.

### **Član 10.**

#### **(Izmjena i dopuna člana 17.)**

(1) U članu 17. iza stava (1) dodaje se novi stav (2) koji glasi:

„Izabrani zvaničnik je dužan da otvoreno, potpuno i odgovorno informiše javnost o radu Skupštine i radnih tijela u čijem radu učestvuje, kao i o svom ličnom radu s ciljem proaktivnog djelovanja u pravcu unapređenja transparentnosti rada Skupštine.“

U stavu (4) iza riječi: „svaku“ dodati riječi: „zakonitu i primjerenu“ .

(2) Dosadašnji stavovi (2), (3) i (4), postaju stavovi (3), (4) i (5).

### **Član 11.**

#### **(Dopuna člana 19.)**

U članu 19. u stavu (2) iza riječi „sebi“ dodaju se riječi: „ili drugom licu povezanom na bilo koji način sa izabranim zvaničnikom“.

U članu 19. u stavu (3) iza riječi „upravi“, umjesto tačke stavlja se zarez i dodaju riječi: „izbjegavajući svaki politički uticaj na njihov rad i primjenjujući korektan odnos prema istim bez bilo kakvog omaložavanja njihovog rada, potcjenjivanja i vrijeđanja, te iznošenja neistinitih podataka o njima i njihovom radu, kako za skupštinskom govornicom, tako i putem raznih medija odnosno sredstava javnog informisanja i društvenih mreža.“

### **Član 12.**

#### **(Dopuna člana 21.)**

U članu 21. iza stava (1) dodaju se novi stavovi (2), (3) i (4) koji glase:

„(2) Komisija na svojoj sjednici razmatra podnesene prijave o kršenju ovog Kodeksa, provodi postupak uvrđivanja postojanja povrede odredaba Kodeksa i odgovornosti, te predlaže i izriče propisane mjere.

(3) Predsjedavajući Komisije zakazuje sjednicu Komsije i predlaže uvrštavanje na dnevni red sjednice prijave i drugih akata koji se odnose na povredu odredbi ovog Kodeksa.

(4) Komisija je dužna voditi evidenciju/registar o svim aktivnostima na provođenju ovog Kodeksa i najmanje jednom godišnje podnositi Skupštini izvještaje o pitanjima provođenja Kodeksa.

**Član 13.**  
**(Izmjene i dopune člana 22.)**

U članu 22. mijenja se naziv člana koji glasi:

**„Član 22.**  
**(Podnošenje prijave i pokretanje postupka)“**

U članu 22. dodaje se novi stav (1) koji glasi:

„(1) Postupak zbog povrede Kodeksa pokreće se prijavom, koja mora sadržavati ime i prezime podnosioca prijave, kontakt adresu, svojeručni potpis, kao i ime i prezime izabranog zvaničnika na kojeg se prijava odnosi, kao i dokaze kojima se dokazuje konkretno kršenje odredaba Kodeksa.“

Dosadašnji stav (1) postaje stav (2), u kojem se iza riječi „vanskupštinski članovi radnih tijela Skupštine“ dodaju riječi „zaposleni u Kantonu, pravna lica“.

Dosadašnji stav (2) postaje stav (3) i glasi:

„Prijave se podnose Komisiji putem pošte ili predajom na Protokol Zeničko-dobojskog kantona u pismenom obliku i potpisane, sa dokazima koji potvrđuju oblik kršenja Kodeksa navedenog u prijavi u roku od 30 dana od dana učinjene povrede ovog Kodeksa.“

Dosadašnji stavovi (3) i (4) postaju stavovi (4) i (5).

U stavu (4) iza riječi „mjera“ dodaju se riječi „o čemu se pismeno obavještava podnosilac prijave“

Iza stava (5) dodaje se novi stav (6) koji glasi:

„Komisija će u skladu sa svojim nadležnostima za provođenje ovog Kodeksa, zaključkom regulisati određeno pitanje koje nije nikako ili nije precizno regulisano ovim Kodeksom.“

**Član 14.**  
**(Novi član 22a.**  
**„Postupak i odlučivanje“)**

Iza člana 22. dodaje se novi član 22a. koji glasi:

**„Član 22a.**  
**(„Postupak i odlučivanje“)**

„(1) Komisija je obavezna da na svojoj sjednici razmatra podnesenu prijavu u roku od 30 dana od dana podnošenja prijave.

(2) Komisija može prilikom razmatranja podnesene prijave na sjednicu pozvati izabranog zvaničnika protiv kojeg je podnesena prijava radi iznošenja svog viđenja navedenih činjenica i okolnosti u prijavi, kao i eventualne svjedoke, ako je to u interesu utvrđivanja činjeničnog stanja.

(3) Ukoliko Komisija utvrdi da nema osnova za daljnje postupanje obustavit će postupak i donijeti odluku kojom se prijava odbija kao neosnovana.

(4) Ako prijava bude podnesena neblagovremeno ili od strane neovlaštenog podnosioca Komisija će donijeti odluku kojom se prijava odbacuje kao neblagovremena, ili što je podnesena od strane neovlaštenog podnosioca.

(5) U slučaju da nakon podnošenja prijave o povredi Kodeksa bude pokrenut postupak o istoj stvari prema propisima koji se odnose na sprečavanje sukoba interesa i borbu protiv korupcije ili bude pokrenut krivični postupak, obustavlja se postupak pred Komisijom.

(6) Ukoliko Komisija u toku postupka utvrdi postojanje činjenica koje ukazuju na postojanje osnova sumnje da se radi o koruptivnom krivičnom djelu ili o kršenju propisa kojima je regulisano pitanje sukoba interesa, dužna je da o tome dostavi informaciju nadležnom organu.

**Član 15.**  
**(Novi član 22b.**  
**„Zastarjelost“)**

Iza člana 22a. dodaje se novi član 22b. koji glasi:

**„Član 22b.**  
**(Zastarjelost“)**

„Pokretanje postupka zbog povrede ovog Kodeksa zastarijeva u roku od šest mjeseci od dana kada je povreda učinjena.“

**Član 16.**  
**(Dopuna člana 24.)**

U članu 24. – dio Lakše povrede Kodeksa su, iza alineje 1. dodaje se nova alineja koja glasi:

- „ponašanje prema zaposlenim u Kantonu koje je u suprotnosti sa odredbom člana 19. ovog Kodeksa.“

**Član 17.**  
**(Dopuna člana 28.)**

U članu 28. stav (1) iza riječi „Kodeksa“ umjesto tačke stavlja se zarez i dodaju se riječi „na osnovu godišnjeg izvještaja kojeg prethodno sačinjava Komisija“.

**Član 18.**  
**(Utvrđivanje prečišćenog teksta)**

Ovlašćuje se Zakonodavno-pravna komisija Skupštine da utvrdi prečišćeni tekst Etičkog kodeksa poslanika u Skupštini Zeničko-dobojskog kantona.

**Član 19.**  
**(Stupanje na snagu i objavljivanje)**

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

**PREDSJEDAVAJUĆI**

Broj: 01-\_\_\_\_\_/22

Datum, \_\_. \_\_. 2022. godine

Z e n i c a

**Ćazim Huskić**

## **O B R A Z L O Ž E N J E**

### **I – PRAVNI OSNOV**

Pravni osnov za donošenje Odluke o izmjenama i dopunama Etičkog kodeksa poslanika u Skupštini Zeničko-dobojskog kantona sadržan je u članu 37. stav 1. tačka f) Ustava Zeničko-dobojskog kantona („Službene novine Federacije BiH“, broj: 7/96, „Službene novine Zeničko-dobojskog kantona“, broj: 1/96, 10/00, 8/04 i 10/04).

### **II – RAZLOZI ZA DONOŠENJE**

Unaprijeđenje rješenja propisanih važećim Etičkim kodeksom poslanika u Skupštini Zeničko-dobojskog kantona, te usklađivanje sa preporukama i zaključcima proisteklim sa radionica koje je organizovala Misija OSCE-a u BiH u saradnji sa Komisijom za ravnopravnost spolova, ljudska prava i građanske slobode i Komisijom za borbu protiv korupcije Skupštine Ze-do kantona, kao i sa organizovanih sastanaka predsjedavajućih i sekretara općinskih i gradskih vijeća u Zeničko-dobojskom kantonu, koje su se odnosile na preporuke za pokretanje procesa revizije i aktuelizacije etičkih kodeksa za izabrane predstavnike u svjetlu prevencije i borbe protiv korupcije, revidiranja i preciznijeg definiranja etičkih principa i pravila ponašanja.

### **III – OBRAZLOŽENJE PREDLOŽENIH RJEŠENJA**

**Članom 1.** Odluke izvršena je dopuna člana 2.

**Članom 2.** Odluke izvršena je dopuna člana 3. koja se odnosi na rodnu ravnopravnost.

**Članom 3.** Odluke izvršena je izmjena i dopuna člana 6. stav (1) u smislu da se dodaje nova tačka b) pod nazivom „nepristrasnosti/nediskriminacije“.

**Članom 4.** Odluke dodaje se novi član 7a. pod nazivom „Nepriistrasnost/nediskriminacija“, koji propisuje da je izabrani zvaničnik prilikom obavljanja svoje dužnosti i donošenja odluka u svom radu dužan biti nepristrasan, bez ispoljavanja bilo kakvog oblika predrasuda, diskriminacije i favoritizma.

**Članom 5.** Odluke izvršena je dopuna člana 8.

**Članom 6.** Odluke izvršena je izmjena i dopuna člana 12., a koje se odnose na zakonito upravljanje finansijskim sredstvima i imovinom Kantona od strane izabranog zvaničnika, kao i na zabranu izabranog zvaničnika i drugih lica povezanih na bilo koji način sa izabranim zvaničnikom da javne resurse, javna sredstva, kao i službene prostorije koriste za potrebe političkih stranaka, izborne kampanje i sl.

**Članom 7.** Odluke izvršena je dopuna člana 13.

**Članom 8.** Odluke izvršena je izmjena i dopuna člana 15. koja se odnosi na suzdržavanje izabranog zvaničnika od zloupotrebe povjerene dužnosti u svrhu sticanja lične koristi i koristi bliskih srodnika i drugih povezanih lica sa izabranim zvaničnikom.

**Članom 9.** Odluke izvršena je izmjena i dopuna člana 16. odnosno taksativno su navedena dodatna ponašanja izabranih zvaničnika tokom obavljanja povjerene dužnosti, izmjenom odnosno dopunom ranijih alineja i dodavanjem novih alineja.

**Članom 10.** Odluke izvršena je izmjena i dopuna člana 17. koja se odnosi na informisanje javnosti od strane izabranog zvaničnika o radu Skupštine i radnih tijela u čijem

radu učestvuje s ciljem unapređenja transparentnosti rada Skupštine, kao i podsticanje i promovisanje svake zakonite i primjerene mjere kojom se povećava otvorenost prema javnosti.

**Članom 11.** Odluke izvršena je dopuna člana 19. u smislu da se stav (3) dopuni dodavanjem obaveza izabranog zvaničnika u pogledu odnosa prema zaposlenim u kantonalnoj upravi.

**Članom 12.** Odluke izvršena je dopuna člana 21. u smislu da se dodaju novi stavovi (2), (3) i (4).

**Članom 13.** Odluke izvršena je izmjena u nazivu člana 22., kao i izmjene i dopune u smislu definisanja načina pokretanja postupka po podnesenoj prijavi o kršenju odredbi Kodeksa, prava na podnošenje prijave, načina podnošenja prijave, roka za podnošenje prijave, obavještanja podnosioca prijave nakon provedenog postupka, te postupanja Komisije za ravnopravnost spolova, ljudska prava i građanske slobode u slučaju kada određeno pitanje nije nikako ili nije precizno regulisano Kodeksom.

**Članom 14.** Odluke dodaje se novi član 22a. pod nazivom „Postupak i odlučivanje“ koji definiše razmatranje podnesene prijave odnosno tok postupka nakon podnesene prijave o kršenju odredbi Kodeksa, te način odlučivanja odnosno odluke koje donosi nadležno tijelo/Komisija za ravnopravnost spolova, ljudska prava i građanske slobode Skupštine, kao i postupanje u slučaju kada nadležno tijelo/Komisija utvrdi postojanje činjenica koje ukazuju na postojanje osnova sumnje da se radi o koruptivnom krivičnom djelu ili o kršenju propisa kojima je regulisano pitanje sukoba interesa.

**Članom 15.** Odluke dodaje se novi član 22b. pod nazivom „Zastarjelost“ koji propisuje rok nakon kojeg zastarijeva pravo na pokretanje postupka na osnovu podnesene prijave zbog kršenja ovog Kodeksa.

**Članom 16.** Odluke izvršena je dopuna člana 24. u smislu dodavanja nove alineje.

**Članom 17.** Odluke izvršena je dopuna člana 28. stav (1).

**Članom 18.** Odluke ovlašćuje se Zakonodavno-pravna komisija Skupštine da utvrdi prečišćeni tekst Etičkog kodeksa poslanika u Skupštini Zeničko-dobojskog kantona.

**Članom 19.** Odluke propisano je stupanje na snagu Odluke i njeno objavljivanje u „Službenim novinama Zeničko-dobojskog kantona“.

#### **IV – FINANSIJSKA SREDSTVA**

Za provođenje ove Odluke nisu potrebna dodatna finansijska sredstva u Budžetu Kantona za 2022. godinu.

**KOLEGIJ SKUPŠTINE ZENIČKO-DOBOJSKOG KANTONA**



**OBRAZAC IZJAVA O FISKALNOJ PROCJENI****Obrazac IFP NE**

<b>A 1. Obradivač propisa</b>								
KOD	NAZIV							
10010001	SKUPŠTINA KANTONA							
<b>B 2. Osnovni podaci o prijedlogu propisa</b>								
<b>Vrsta propisa/akta</b>	<b>Zakon</b>	<b>Uredba</b>	<b>NE</b>	<b>NE</b>	<b>Odluka</b>	<b>DA</b>	<b>Strategija</b>	<b>NE</b>
<b>Naziv propisa/akta</b>	<b>Uredba</b>	<b>NE</b>	<b>NE</b>	<b>NE</b>	<b>Drugi akti</b>	<b>NE</b>	<b>Drugi akti planiranja</b>	<b>NE</b>
Odluka o izmjenama i dopunama Etičkog kodeksa poslanika u Skupštini Zeničko-dobojskog kantona								
<b>C 3. Izjava o nepostojanju dodatnih fiskalnih efekata predložene propisa</b>								

Donošenje i provođenje Odluke o izmjenama i dopunama Etičkog kodeksa poslanika u Skupštini Zeničko-dobojskog kantona neće zahtijevati dodatna sredstva iz Budžeta Zeničko-dobojskog kantona.

<b>D 4. Pečat i potpis odgovornog lica obradivača, odnosno predlagača propisa</b>	<b>Mjesto i datum</b>
---	-----------------------

Čazim Huskić, predsjedavajući Skupštine Zeničko-dobojskog kantona i predsjedavajući Kolegija Skupštine

Zenica, dana 17.06.2022. godine





Godina XVI - Broj 7

ZENICA, petak, 10.06.2011.

**SKUPŠTINA**

137.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona na 7. sjednici održanoj 31.05.2011. godine, donosi

**ZAKON  
O IZMJENAMA I DOPUNI ZAKONA O SUDSKIM  
TAKSAMA**

**Član 1.  
(Izmjena člana 32.)**

U Zakonu o sudskim taksama („Službene novine Zeničko-dobojskog kantona“, broj: 12/09 i 4/11) član 32. mijenja se i glasi:

**„Član 32.  
(Napлата neplaćene takse)**

- (1) Takse čiji se iznos određuje na kraju postupka, takseni obveznik je dužan platiti u roku od 8 dana od prijema rješenja iz člana 8. ovog zakona.
- (2) Ako takseni obveznik ne plati taksu u navedenom roku, ista će se naplatiti u skladu sa Zakonom o izvršnom postupku („Službene novine Federacije Bosne i Hercegovine“, broj: 32/03, 52/03, 33/06, 39/06 i 39/09).
- (3) Postupak za naplatu neplaćene takse pokreće pred nadležnim sudom Kantonalno pravobranilaštvo.“.

**Član 2.  
(Izmjena i dopuna člana 39.)**

- (1) U članu 39. stav (1) riječi „propisima i tarifom koji su važili“, zamjenjuje se riječima „tarifom koja je važila“.

(2) U članu 39. iza stava (1) dodaje se stav (2) koji glasi:

„(2) Taksa koja nije plaćena do stupanja na snagu ovog zakona naplatit će se u skladu s članom 32. ovog zakona.“

(3) Stavovi (2) i (3) postaju stavovi (3) i (4).

**Član 3.  
(Stupanje na snagu)**

Ovaj zakon stupa na snagu osmog dana od dana objavljivanja u “Službenim novinama Zeničko-dobojskog kantona”.

Broj: 01-02-14454/11

Datum, 01.06.2011. godine

Zenica

**PREDSJEDAVALAČI****Miralem Galijašević, s.r.**

138.

Na osnovu člana 37. tačka f) Ustava Zeničko-dobojskog kantona, Skupština Zeničko-dobojskog kantona, na 7. sjednici održanoj 31.05.2011. godine, donijela je

**ETIČKI KODEKS  
POSLANIKA U SKUPŠTINI ZENIČKO-  
DOBOJSKOG KANTONA**

**DIO PRVI. OPĆE ODREDBE**

**Član 1.  
(Predmet)**

Predmet ovog Kodeksa su osnovni etički principi i standardi ponašanja koji se očekuju od izabranih zvani-

čnika u obavljanju njihovih dužnosti, a koje građani s pravom mogu očekivati od poslanika u Skupštini Zeničko-dobojskog kantona (u daljem tekstu: izabranih zvaničnika) i propisivanje postupaka i ponašanja koji predstavljaju nekorektno i nedolično ponašanje prema drugim poslanicima, učesnicima i prisutnima na sjednici Skupštine Zeničko-dobojskog kantona (u daljem tekstu: Skupština), kao i onih postupaka i ponašanja koji predstavljaju ometanje normalnog rada na sjednici, a sve u cilju jačanja povjerenja javnosti, ličnog i političkog integriteta i autoriteta Skupštine u funkciji općeg interesa.

#### **Član 2. (Cilj Kodeksa)**

Cilj Kodeksa je da etičke obaveze i standardi ponašanja izabranih zvaničnika, definisani ovim Kodeksom, doprinesu da izabrani predstavnici zakonodavne vlasti obavljaju dužnost savjesno i odgovorno u najboljem interesu svih građana u Kantonu, uz otvorenost i spremnost da odgovaraju javnosti za svoje odluke, te da se građani upoznaju sa standardima ponašanja koje s pravom mogu očekivati od njihovih izabranih predstavnika.

#### **Član 3. (Pojam izabrani zvaničnik)**

Pojam “izabrani zvaničnik” se odnosi na svakog poslanika koji ima mandat u Skupštini.

### **DIO DRUGI. PRIMJENA ETIČKOG KODEKSA**

#### **Član 4. (Primjena)**

Ovaj Kodeks se odnosi na ponašanja izabranih zvaničnika u vršenju dužnosti u okviru mandata.

#### **Član 5. (Obavljanje dužnosti)**

Prilikom obavljanja svojih dužnosti, izabrani zvaničnik će iste obavljati savjesno i odgovorno, u općem interesu i interesu svih građana u Kantonu, uz otvorenost i spremnost da odgovara javnosti za svoje odluke, postupke i ponašanja.

### **DIO TREĆI. OPĆI ETIČKI PRINCIPI**

#### **Član 6. (Načela)**

Izabrani zvaničnik ima obavezu da u cilju jačanja povjerenja javnosti u integritet Skupštine, obavlja svoje dužnosti u Skupštini i prema javnosti u cjelini, uz poštivanje načela:

- a) zakonitosti,
- b) javnosti,
- c) objektivnosti,
- d) efikasnosti i tačnosti,
- e) otvorenosti,
- f) pravilnog upravljanja resursima,
- g) uzajamnog poštovanja i uvažavanja,
- h) izbjegavanje sukoba interesa,
- i) zabrana korupcije.

#### **Član 7. (Zakonitost)**

Izabrani zvaničnik se, u obavljanju dužnosti, mora pridržavati Ustava, zakona, Poslovnika Skupštine i Etičkog kodeksa.

#### **Član 8. (Javnost)**

Izabrani zvaničnik će u obavljanju svojih dužnosti djelovati isključivo u javnom odnosno općem interesu, a ne u ličnom, niti u interesu pojedinaca ili grupa pojedinaca radi postizanja direktne ili indirektno koristi i zalagat će se za ljudska prava i slobode, ravnopravnost naroda i građana.

#### **Član 9. (Objektivnost)**

Prilikom obavljanja svojih dužnosti, kao i prilikom javnih imenovanja, dodjele ugovora ili davanja preporuka za nagrade i beneficije, izabrani zvaničnici treba da izaberu, odnosno predlože kandidate prema objektivno uspostavljenim kriterijima i njihovim kvalitetima i sposobnostima.

#### **Član 10. (Efikasnost i tačnost)**

(1) Izabrani zvaničnik mora u svom radu osigurati efikasno i blagovremeno obavljanje aktivnosti, odnosno obavljanje povjerenih dužnosti.

(2) Izabrani zvaničnik je dužan osigurati tačne informacije za zaposlenike i javnost i dužan ih je na razumljiv način objaviti.

#### **Član 11. (Otvorenost)**

Izabrani zvaničnik je dužan javnosti na najprikladniji način osigurati informacije u vezi s odlukama i radnjama koje se poduzimaju, uz spremnost da se javnosti objasne razlozi zbog kojih su se donijele određene odluke, uz ograničenje davanja informacija samo u slučajevima kada je to zakonom propisano.

#### **Član 12. (Pravilno upravljanje resursima)**

Izabrani zvaničnik će, s najvećom pažnjom i osjećajem vlastite odgovornosti, usmjeriti svoje ponašanje i odluke koje se odnose na finansijska sredstva i upravljanje imovinom Kantona, izričito u skladu sa propisima i općim interesima, na ekonomičan način, isključujući njihovo korištenje u privatne svrhe.

#### **Član 13. (Uzajamno poštovanje i uvažavanje)**

U međusobnoj komunikaciji, kao i komunikaciji sa drugim osobama i sa javnošću, izabrani zvaničnik će u svakom slučaju istupati sa uvažavanjem i poštovanjem, izbjegavajući korištenje izraza koji mogu vrijeđati ili omalovažavati druge osobe ili grupe, na taj način poštujući jednaka prava svih u pogledu političkog opredjeljenja, nacije, vjere, spola, i drugo.

#### **Član 14. (Izbjegavanje sukoba interesa)**

(1) Izabrani zvaničnik će se prilikom obavljanja svojih dužnosti u svakom slučaju pridržavati odredbi Zakona o sukobu interesa i drugih propisa koji uređuju nespojivost funkcija izabranog predstavnika sa funkcijom ili položajem koji obavlja. U svim slučajevima nastupanja sukoba interesa ili nespojivosti funkcija, izabrani zvaničnik će u najkraćem mogućem roku prijaviti takav slučaj i odstupiti sa pozicije.

(2) Izabrani zvaničnik će se uredno pridržavati zahtjeva za prijavu podataka ili davanje informacija o funkcijama koje zauzima, zanimanju i promjenama u njegovoj imovini.

#### **Član 15. (Zabrana korupcije)**

Izabrani zvaničnik će se u obavljanju svoje dužnosti suzdržati od bilo kakvog ponašanja koje bi se prema

važjećem domaćem ili međunarodnom krivičnom zakonodavstvu moglo okarakterisati kao korupcija.

### **DIO ČETVRTI. UGLED DRŽAVE BOSNE I HERCEGOVINE I ZENIČKO-DOBOJSKOG KANTONA**

#### **Član 16. (Ponašanje izabranih zvaničnika)**

(1) Izabrani zvaničnik će poštovati sve etičke principe i standarde ponašanja koje Skupština propiše i koji proizilaze iz opće prihvaćenih standarda parlamentarnog rada.

(2) Izabrani zvaničnik će svojim ponašanjem uvijek štiti ugled Države Bosne i Hercegovine i Zeničko-dobojskog kantona.

(3) Izabrani zvaničnik naročito:

- ne smije upotrebljavati neprimjerene riječi, izraze i njihove sinonime koji vrijeđaju ljudsku čast i dostojanstvo, kada se govori o konkretnim fizičkim ili pravnim osobama, te u komunikaciji ne smije vršiti obmanjivanje, manipulaciju, samopromociju i neučtivost u vođenju dijaloga,

- u svojim nastupima, govorima, pismenim podnescima i drugim službenim radnjama i nastupima, voditi računa o načelima profesionalne etike i opće kulture, dajući i na taj način pozitivan primjer ponašanja javnosti,

- dužan je pridržavati se zakazanog termina održavanja sjednica Skupštine i radnih tijela, kao i termina određenog za pauzu,

- dužan je prisustvovati sjednicama Skupštine i skupštinskih radnih tijela čiji je član, ne napuštati zasjedanje prije završetka, a ni tokom trajanja, a da prije toga ne saopšti javno ili predsjedavajućem razlog privremenog ili potpunog napuštanja zasjedanja. Ako je opravdanim razlogom spriječen da prisustvuje sastancima ili sjednicama na koje je uredno i blagovremeno pozvan, predsjedavajućem će saopštiti te razloge, a on će Skupštinu ili radno tijelo obavijestiti o razlogu izostanka pozvanog izabranog zvaničnika,

- dužan je pažljivo pratiti tok sjednice ili sastanka i uzdržavati se od radnji kojima se ometa tok sjednice ili sastanka kao što su: korištenje mobitela, interneta, napuštanje sjednice, čitanje novina, dovikivanje, dobacivanje ili druge radnje kojima se prekida drugi sagovornik, podsmješljiv i podrugljiv ton, a posebno kad se daje replika na izlaganje drugog,

- dužan je tokom rasprave da se usmjeri na temu o kojoj se raspravlja,

- dužan je poštovati predsjedavajućeg Skupštine i predsjedavajućeg radnog tijela da usmjeri raspravu na tačke dnevnog reda sjednice Skupštine, odnosno radnog tijela,

- pri obavljanju funkcije na sjednicama i sastancima, treba biti prikladno i uredno odjeven,
- bez opravdanog razloga ne izostajati sa javnih manifestacija ili javnih skupova na koje je uredno i blagovremeno pozvan u svojstvu izabranog zvaničnika,
- dužan je da svoje ponašanje usmjeri u skladu sa javnim interesom, da izbjegava konflikte i da jača povjerenje javnosti prema državnim institucijama,
- tokom obavljanja svojih dužnosti neće podsticati na mržnju, netoleranciju i nasilje i osudiće svako ponašanje kojim se isto podstiče.

## **DIO PETI. ODNOSI SA JAVNOŠĆU, MEDIJIMA I SA ZAPOSLENIMA U KANTONU**

### **Član 17.**

#### **(Odnosi sa javnošću)**

- (1) Izabrani zvaničnici odgovorni su prema svim građanima za vrijeme svog mandata.
- (2) Na opravdan zahtjev javnosti, detaljno će obrazložiti razloge za svaku odluku koju donesu i navesti sve faktore, naročito pravila i propise na kojima se odluka zasniva. Ako su te informacije povjerljive, objasniti će razloge njihove povjerljivosti.
- (3) Izabrani zvaničnici će s dužnom pažnjom odgovarati na sva pitanja javnosti u vezi s obavljanjem njihovih dužnosti, razlozima za njihove postupke i funkcioniranjem radnih tijela u njihovoj nadležnosti.
- (4) Podsticat će i promovisati svaku mjeru kojom se povećava otvorenost prema javnosti.

### **Član 18.**

#### **(Odnosi sa medijima)**

- (1) Izabrani zvaničnik će iskreno odgovarati na zahtjeve medija za davanje informacija vezanih za obavljanje njihovih dužnosti, ali neće pružiti informacije koje se odnose na privatni život drugih izabranih zvaničnika ili trećeg lica, kao i one koje se odnose na čuvanje službene, poslovne i druge tajne, čija je tajnost utvrđena u skladu sa odredbama Zakona o zaštiti tajnih podataka.
- (2) Prilikom davanja informacija za medije izabrani zvaničnik rukovodit će se usvojenim stavovima Skupštine i radnih tijela u čijem radu je učestvovao, a u slučaju neslaganja sa stavovima radnih tijela ili Skupštine, može javnost upoznati i o vlastitom stavu.
- (3) Izabrani zvaničnici ohrabrivat će i podsticati sve mjere koje imaju za cilj unapređenje medijskog praćenja njihovih aktivnosti i odgovornosti pri obavljanju njihovih dužnosti i funkcioniranja institucije za čiji rad su odgovorni.

### **Član 19.**

#### **(Ponašanje prema zaposlenima u Kantonu)**

- (1) U obavljanju svoje funkcije izabrani zvaničnik uvažavat će ulogu zaposlenih u kantonalnoj upravi, bez predrasuda u pogledu legitimnog provođenja svoga autoriteta.
- (2) Izabrani zvaničnik neće zahtijevati od zaposlenih poduzimanje ili propuštanje bilo kakve radnje, kojom bi sebi omogućio direktnu ili indirektnu osobnu korist ili prednost.
- (3) Izabrani zvaničnik će, u obavljanju svoje funkcije, osigurati potpuno ostvarivanje uloge i zadataka zaposlenih u kantonalnoj upravi.

## **DIO ŠESTI. PRESTANAK VRŠENJA DUŽNOSTI**

### **Član 20.**

#### **(Zabrana osiguranja određenih službi i poslova)**

- (1) Prilikom obavljanja svoje dužnosti, izabrani zvaničnik neće poduzimati mjere kojima bi sebi osigurao buduće osobne prednosti po prestanku obavljanja funkcije, i to:
  - a) u državnim javnim ili privatnim organima nad kojima je vršio nadzor za vrijeme obavljanja svoje funkcije;
  - b) u javnim ili privatnim organima sa kojima je uspostavio ugovorne odnose za vrijeme obavljanja svoje funkcije;
  - c) u javnim ili privatnim organima osnovanim za vrijeme njegovog mandata, a na osnovu ovlasti koja mu je povjerena.

## **DIO SEDMI. NADZOR NAD PROVEDBOM KODEKSA**

### **Član 21.**

#### **(Nadzor)**

Nadzor nad provedbom i praćenje poštivanja Kodeksa vršit će Komisija za ravnopravnost spolova, ljudska prava i građanske slobode Skupštine (u daljem tekstu: Komisija).

### **Član 22.**

#### **(Pismene prijave)**

- (1) Prijavu o povredi odredaba Kodeksa može podnijeti predsjedavajući Skupštine, svaki poslanik u Skupštini, Kolegij, predsjedavajući klubova poslanika, predsjedavajući klubova naroda, vanskupštinski članovi radnih tijela Skupštine i građani.

(2) Prijave se podnose Komisiji u pismenom obliku i potpisane, sa dokazima koji potvrđuju oblik kršenja Kodeksa navedenog u prijavi.

(3) Nakon provedenog postupka ukoliko se utvrdi postojanje povrede odredaba Kodeksa, izriče se propisana mjera, a ako Komisija zaključi da nije bilo povrede odredaba Kodeksa, o tome obavještava podnosioca prijave.

(4) Izabrani zvaničnici neće sprječavati bilo koju mjeru nadzora, uz uvažavanje izrečene konačne odluke.

## DIO OSMI. MJERE ZA KRŠENJE KODEKSA

### Član 23. (Mjere)

Mjere za povredu odredaba Kodeksa su:

- a) Pismena opomena;
- b) Novčana kazna;
- c) Javna opomena s objavom u sredstvima informisanja.

### Član 24. (Povrede Kodeksa)

Lakše povrede Kodeksa su:

- nepoštivanje i neuvažavanje drugih osoba,
- nepridržavanja termina održavanja sjednica Skupštine i radnih tijela, kao i termina određenog za pauzu,
- neopravdano odsustvovanje sa sjednica Skupštine i radnih tijela,
- napuštanje sjednica Skupštine i radnih tijela bez prethodne najave predsjedavajućem.

Teže povrede Kodeksa su:

- nepridržavanje Ustava, zakona, Poslovnika Skupštine i Etičkog kodeksa,
- djelovanje u ličnom interesu, interesu pojedinaca ili grupa pojedinaca radi postizanja direktne ili indirektno koristi,
- kršenje ljudskih prava i sloboda, ravnopravnosti naroda i građana,
- korištenje imovine Kantona u privatne svrhe,
- neprijavlivanje informacija o funkcijama koje zauzima, zanimanju i promjenama u imovini,
- podsticanje na mržnju, netoleranciju i nasilje.

### Član 25. (Izricanje mjera)

(1) Za lakše povrede Kodeksa izriče se pismena opomena, a za teže povrede se izriče novčana kazna i javna opomena s objavom u sredstvima informisanja.

(2) Novčana kazna se izriče jednokratno u visini od 30% iznosa mjesečnog paušala poslanika u Skupštini.

(3) Javna opomena s objavom u sredstvima informisanja izriče se tako što se konačna odluka objavljuje u „Službenim novinama Zeničko-dobojskog kantona“ i na web stranici Zeničko-dobojskog kantona u trajanju od 30 dana.

### Član 26. (Pravo žalbe)

(1) Izabrani zvaničnik može uložiti žalbu na izrečenu mjeru Komisije, a žalba se podnosi Kolegiju Skupštine u roku od 15 dana od dana saopštavanja mjere.

(2) Odluka Kolegija o uloženoj žalbi je konačna.

## DIO DEVETI. ZAVRŠNE ODREDBE

### Član 27. (Izjava o spremnosti)

Izabrani zvaničnik će, prilikom davanja svečane izjave, potpisati i izjavu kojom izražava spremnost da u svom radu postupa u skladu s odredbama ovog Kodeksa.

Izabrani zvaničnik čiji mandat je u toku, izjavu iz prethodnog stava će potpisati odmah nakon stupanja na snagu ovog Kodeksa.

Obaveza je izabranih zvaničnika da svojom aktivnošću osiguraju promociju ovog Kodeksa, kako u javnosti, tako i u medijima.

### Član 28. (Ocjena provođenja Kodeksa)

Skupština najmanje jednom godišnje razmatra i ocjenjuje rad Komisije o pitanjima provođenja Kodeksa.

### Član 29. (Stupanje na snagu)

Ovaj Kodeks stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-01-14455/11  
Datum, 01.06.2011. godine  
Zenica

**PREDSJEDAVALAČI**  
**Miralem Galijašević, s.r.**